



SURAT EDARAN PENTADBIRAN
BILANGAN 9 TAHUN 2014

PEMAKLUMAN MENGENAI ANCAMAN
THE COALITION OF MALAYSIAN NGOS IN THE
UPR PROCESS (COMANGO) TERHADAP
KEDUDUKAN ISLAM DI MALAYSIA

Pejabat Pendaftar
6 Mac 2014

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar & Alumni)
Pegawai-Pegawai Kanan
YDP Majlis Perwakilan Pelajar

SURAT EDARAN PENTADBIRAN BIL. 9/2014

PEMAKLUMAN MENGENAI ANCAMAN *THE COALITION OF MALAYSIAN NGOS IN THE UPR PROCESS (COMANGO)* TERHADAP KEDUDUKAN ISLAM DI MALAYSIA

Surat Edaran Pentadbiran ini bertujuan untuk memaklumkan kepada semua staf dan pelajar Universiti Teknikal Malaysia Melaka (UTeM) mengenai ancaman *The Coalition of Malaysian NGOS In The UPR Process (COMANGO)* terhadap kedudukan Islam di Malaysia.

2.0 Untuk makluman, Kementerian Pendidikan Malaysia (KPM) menerusi surat bernombor rujukan JPT.S(G)2000/016/033(2) bertarikh 3 Januari 2014 telah memaklumkan berkenaan ancaman *The Coalition of Malaysian NGOS In The UPR Process (COMANGO)* terhadap kedudukan Islam di Malaysia. Perkara ini telah dibentangkan pada satu taklimat eksekutif oleh para pembentang daripada Jabatan Kemajuan Islam Malaysia (JAKIM) dan Gabungan NGO-NGO Islam Malaysia (PEMBELA) berhubung COMANGO, anjuran Majlis Keselamatan Negara (MKN) yang telah diadakan pada 9 Disember 2013 di Jabatan Perdana Menteri dan dihadiri oleh beberapa kementerian serta agensi termasuk KPM.

3.0 COMANGO merupakan satu gerakan yang dianggotai oleh 54 NGO Malaysia yang dikatakan berfahaman liberal dan sekular. COMANGO memperjuangkan prinsip hak asasi manusia berteraskan sekularisme, liberalisme dan pluralisme. Menggunakan pentas antarabangsa iaitu *Universal Period Review (UPR)* di bawah *United Nations Humans Council (UNHRC)*, COMANGO dikatakan telah mencanang gaya hidup bebas yang menjunjung fahaman kebebasan tanpa batas termasuk mengizinkan tindakan meninggalkan agama (murtad) bagi orang Islam serta orientasi seks bebas atau dikenali sebagai *Lesbian, Gay, Bisexual and Transgender (LGBT)*.

4.0 Antara isu-isu utama menerusi memorandum COMANGO dalam proses UPR adalah isu kebebasan beragama, isu orientasi seks bebas dan isu kebebasan bersuara. Tuntutan-tuntutan COMANGO yang berkait dengan isu kebebasan beragama Islam dan isu orientasi seks bebas/LGBT dilihat berlawanan dengan kedudukan Islam sebagai agama persekutuan dan kedaulatan agama dan tuntutan-tuntutan tersebut dibuat melalui platform yang tidak mewakili suara majoriti rakyat Malaysia.

5.0 Sehubungan dengan itu, semua staf dan pelajar Universiti adalah dinasihatkan untuk tidak terlibat dalam aktiviti-aktiviti yang berbentuk sabotaj dan subversif terhadap negara

seperti COMANGO ini yang boleh memberi kesan ke atas nama baik perkhidmatan awam secara umumnya dan Universiti khususnya.

6.0 Semua staf juga dipohon untuk mengambil perhatian kepada Peraturan 3(2)(d), Jadual Kedua, Peraturan-Peraturan Tatatertib Badan-Badan Berkanun, Akta Badan-Badan Berkanun (Tatatertib dan Surcaj) 2000 yang jelas menyatakan bahawa Pegawai awam tidak boleh berkelakuan sehingga memburukkan atau mencemarkan nama perkhidmatan awam. Pelanggaran peraturan-peraturan di atas boleh menyebabkan tindakan tatatertib diambil.

7.0 Surat Edaran Pentadbiran ini berkuat kuasa serta-merta.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/ukp